



UTAMA

AM

POLITIK

EKONOMI

SUKAN

RENCANA

DUNIA

[Laman Utama](#) | [Tentang BERNAMA](#) | [Peta Laman](#) | [Hubungi Kami](#) | [Senarai Berita](#) | [Arkib Berita](#)
[A+](#) | [A-](#) | [Reset](#)
[Malay](#) | [English](#) | [中文](#) | [عربي](#)

BERNAMA.COM

utama » berita

CARIAN

GO

09 Oktober, 2008 19:54 PM

Tempat Duduk Bagi Majlis Babitkan Ceramah Tun Dr Mahathir Di Melbourne Sabtu Ini Habis Ditempah

Oleh Neville D'Cruz

MELBOURNE, 9 Okt (Bernama) -- Satu seminar pembangunan belia anjuran Malaysian Youths in Melbourne (MyM) di sini pada hari Sabtu ini yang turut menjemput mantan Perdana Menteri Tun Dr Mahathir Mohamad sebagai salah seorang penceramah, mendapat sambutan cukup hangat apabila semua tempat duduk bagi majlis itu sudah habis ditempah.

Presiden MyM Mohd Izhar Moslim berkata Dr Mahathir dijangka akan menampilkan pandangan-pandangannya semasa menyampaikan ceramah yang bertajuk "Cabaran-cabaran yang dihadapi belia hari ini bagi membentuk dunia akan datang".

"Semua tempat duduk bagi Dewan Sydney Myer Asia Centre di University of Melbourne di sini yang boleh memuatkan 480 orang sudah habis ditempah, dan kami ada 200 nama lagi yang masih dalam senarai menunggu," katanya.

Beliau berkata lain-lain penceramah ialah pengasas dan pengarah urusan Limitless, Jack Delosa, serta pengarah Yayasan Pembangunan Ekonomi Mapan University of Melbourne Professor Danny Samson.

Katanya seminar itu bertujuan memberikan peluang kepada golongan muda untuk mendengar dan berbincang mengenai pandangan pemimpin-pemimpin nasional, di samping menyemai inspirasi daripada pandangan-pandangan mereka.

Tahun lepas seminar itu menjemput ahli-ahli politik terkenal Malaysia seperti Dato' Seri Annuar Musa dan Khairy Jamaluddin sebagai penceramah.

MyM yang merupakan pertubuhan bukan berasaskan keuntungan, menjunjung usaha memupuk jati diri dan harmoni di kalangan pelajar-pelajar Malaysia menerusi aktiviti-aktiviti sosial dan kebudayaan.

-- BERNAMA

**Kami menyediakan langganan
berita melalui perkhidmatan [Newswire](#).**

[Kembali](#) [Ke Atas](#)


[Laman Utama](#) | [Am](#) | [Politik](#) | [Ekonomi](#) | [Sukan](#) | [Rencana](#) | [Dunia](#) | [Senarai Berita](#) | [Arkib Berita](#) | [Suapan RSS](#) | [Hubungi Kami](#) | [Pautan](#)
[Media Relations & Event Management \(MREM\)](#) | [BERNAMA Library Infolink Service \(BLIS\)](#) | [BERNAMA Media](#) | [Perkhidmatan Foto BERNAMA](#) | [BESSAR](#)

© 2009 BERNAMA. Semua Hak Cipta Terpelihara. Penafian | Dasar Privasi | Dasar Keselamatan
 Bahan ini tidak boleh diulang terbit, ulang siar, tulis kembali atau diulang edar melainkan dengan kebenaran bertulis dari pihak BERNAMA.
 Paparan terbaik menggunakan Firefox 3.0 & Internet Explorer 7.0 dalam resolusi 1024 x 768 piksel



Berita-berita Lain

Petrol Primax 95 Kuasai 90 Peratus
Jualan Petronas Dagangan

Sultan Selangor Lancar Bayaran
Fitrah Melalui Internet

Singapura Rancak Buat Persiapan
Bagi APEC

SPRM Sabah Selesai 15 Kes Dalam
Lapan Bulan Pertama Tahun Ini

MCA Bakal Saksikan Dua EGM

advertisement

Iklan di sini!
Hubungi kami untuk mengiklan
250 x 250 piksel